

¡BOMBA!

Fueron promesas enormes, el encontrar a estudiantes; quedamos igual que antes: padres siguen inconformes



K'untzil

Jueves 26 de septiembre de 2024

CAMPECHE · YUCATÁN · QUINTANA ROO · AÑO 10 · NÚMERO 2328 · www.lajornadamaya.mx

Kex 51 kimen máak yéetel 223 úuch loob tumen wa'awak'a'ab ba'al tumen Israel yóok'ol Líbano



▲ Oochel Reuters

Le miércoles máanika, yanchaj kex 51 máako'ob jkiim yéetel uláak' kex 223 úuch loob ti'ob tumen yanchaj jejeláas ba'alo'ob wak'a'ab tumen Israel tu noojolil yéetel tu lak'inil Líbano; lela' u yóoxp'éel k'iinil ma' xóot'ok u ts'ots'onil le kaajo. Chéen te'el k'iino'oba, tu'ux ma'

xóot'ok u pu'ulul ba'al yóok'ol u lak'inil Valle de la Bekaa, u ya'abile' Baalbek yéetel Hermel, tumen tak walkila' ts'ook u kíimil maanal chúumuk ti' 100 máako'ob, yéetel yaan kex 223 u túul máax ti' ucha'an loob, beey k'a'aytab tumen u ministro libanesil Salud Pública, Firas Abiad.

Ichil ba'ax jets'a'ab ti'al u máansa'al le k'iino'obo, ku meyajta'al sáansamal jump'éel u tsolts'iibil le kúuchilo'ob yaan ti'al u k'a'amal máaxo'ob ts'ook u yantal u jóok'olo'ob tu taanajo'ob yéetel wa yaan ba'ax loobilaj ucha'an ti'ob ichil tuláakal le noj lu'umo'.

Ichil ba'ax a'alab tumen Abaid, ts'ook u je'ebel u ti'al le je'ela, kex 310 u p'éel kúuchilo'ob ts'akyaj, maanal 20 ti' le je'elo'obo' te'e noojolo, yéetel ma' táan u xáantale' ku páa'taal u yantal uláak'o'ob, ts'ookole' yaan xan u yila'al ka yanak a jujump'éelil ti' le áalbergueso' ti'al xan u ts'aatáanta'al máak te'elo'.